


From #441

English language



السلام عليكم ورحمة الله وبركاته

موضوع الفايل هذا كيف اطور لغتي الانجليزيه؟

هالسؤال من اكثر الاسئلة الي يسألها اغلب طلاب التحضيري كون اللغة الانجليزية اكثر ماده عليها ساعات بالتحضيري


وهي عامل

مهم وكبير لاي طالب يطمح للمعدل العالي وعلشان كذا جمعنا تجارب ٤٤١ والاشياء الي فادتهم في انهم يطورون

لغتهم بفايل واحد

اتمنى يفيدكم الفايل ويجاوب على اسألتكم فيما يخص هالموضوع

اي سؤال احنا موجودين لكم ♡



Listening :

١ - <https://www.esl-lab.com>

موقع عبارہ عن كویزات يعطيك محادثه وعليها اسئله
والحلو بالموقع انه مقسم ليقفات وكل ما حسيتي انك متمكنه من ليقل روجي ل الليقل الي بعده

٢-ELSD

موقع الجامعه بتعرفون كيف تفتحونه لما تداومون باذن الله
الموقع كله اکتفیتیز تهیئکم للاختبار وفيها قسم ليسينيق فيه

٣-<https://apps.apple.com/sa/app/apple-podcasts/id525463029>

برنامج برودكاست ابل

جدا كويس تسمعون فيه برودكاست تعودون اذنكم على اللغة وبنفس الوقت تتعلمون كلمات

speaking:

1 - <https://apps.apple.com/sa/app/cambly-english-teacher/id564024107>

برنامج كامبلي غني عن التعريف ، تتواصلين مع اجانب وتكلمون عن اي موضوع ويمدك تدخلين متى ما تبين ويمدك تختارين الاكسنت الي تبين (بريطاني ، امريكي) ، يحطون اكواد حلوه دورو عنها واستخدموها لانها تفرق مره بالسعر

Grammar:

1 - <http://utminers.utep.edu/micontreras/AZAR.htm>

قناة شرح يوتيوب : <https://www.youtube.com/user/engvidenglish>

2 - <https://apps.apple.com/sa/app/grammarly-keyboard/id1158877342>

برنامج يصحح لكم كتاباتكم بشكل تلقائي مجرد انكم تفعلونه بالكيبورد

Writing:

1 – <https://www.paperrater.com/>

2 – <https://drive.google.com/file/d/1s1aKhHSVA79uJMscDCHjna0NYetXKpsM/view>

<https://drive.google.com/file/d/1hq4Yj8wfa9CerMYgmvcRwGT0FRnLJKK0/view>

الدرايئين فيهم مواضيع الراجينق الي جت الديق قبلكم
ممکن تدربون عليها بشكل اسبوعي وتخلون احد يصحح لكم او التيشرز حقين الجامعه ممکن تطلبون لهم
يصححون لكم

او تحطونه بمواقع تصحيح بس ما راح يكون تصحيح المواقع زي التصحيح البشري

3 – <http://www.reverso.net/spell-checker/english-spelling-grammar/>

الموقع هذا ممکن يصحح لكم كتاباتكم والقطع حقتكم

reading:

1 - <http://www.englishforeveryone.org/Topics/Reading-Comprehension.htm>

الموقع هذا فيه قطع بمختلف المستويات وعليها اسئلة مره كويس

2 - <https://readtheory.org/auth/login>

موقع يسوي لك اختبار تحديد مستوى ويعطيك قطع على مستواك وكل ما حلتي قطعه صح رفعك

بالمستوى او ينزلك اذا اخطأتي كثير

جدا جدا رائع ويشبه طريقه اختبار الجامعه

3-elsd

موقع الجامعه فيه قطع بمختلف المستويات واسئلة عليها

Vocab:

1-babadum.com

موقع يختبر حصيلة مفرداتك بواسطة الصور

2- **rocket languages** برنامج يعتمد على الاختبارات الصوتية لتمكين المتعلم من النطق بالشكل الصحيح.

<https://itunes.apple.com/us/app/rocket-languages/id597293943?mt=8>

3- **Anki**: برنامج لحفظ ومراجعة الكلمات والمصطلحات.

<https://itunes.apple.com/us/app/ankiapp-flashcards/id689185915?mt=8>

تجارب الطالبات

رزان الخالدي - ليفل C

انا انسانه اكره القراءة مستحيل اقرأ كتاب واحد واختمه امل على طول منه الكتب اللي اقراها هي كتب الصور المتحركة(المانجا) فكانت لغتي الانجليزية حلوه لكن ما تمشييني في الجامعة فكان فيه كلمات كثيرة تمر علي ما اعرف معناها ولكن انا احب C وخصوصا اني كنت بلفل اشوف واسمع صرت اناظر افلام وثائقية عن الحيوانات بحكم اني احبهم واشوف افلام عادية ومسلسلات ومن ضمنها **friends**

بحكم انه مصطلحاته كانت كبيرة وصعبة شوي كنت اناظرها ترجمة عربي لكن اكونمنتبهه على كلامهم مع قراءة الترجمة عشان اعرف الكلمة وايش معناها كلها بعدين بديت اناظر الافلام الوثائقية بترجمة انجليزية وبديت اناظر الافلام بالانجليزي واذا واجهت كلمة وقليل ما واجه اوقف واترجمها ولما اعرف المعنى احط عليها مثالبقصة من واقع حياتي عشان اتذكرها و ثاني فوائد متابعة الافلام هي الاكسنت او اللهجة الكل يتلكم عن الاكسنت حقي بسبب الافلام بعدها صرت اقرا المانجا بالانجليزي والحين صدق ما اناظر اي شيء الا لازم ترجمة انجليزي واذا كان الشخص يحب يقرأ فهذي بتكون اول نصيحة مني اقري قدر ما تقدرين بالانجليزي اول شيء ابدي بالكتب السهلة والمصطلحات السهلة بعدين ابدي صعبى الكتب

وحدة اعرفها مدرستهم ما فيها معلمة لغة انجليزية ودايما يغششونهم بالمادة ولا عمرها
ابتعثت وصلت عمر ١٧ سنة وهي ماتدبر شيء باللغة فقررت وقتها تقرأ الروايات والكتب
قسم بالله الحين تتكلم انجليزي افضل من الاجانب اللي لغتهم الام الانجليزية جد صراحة
انصدمت من لغتها انا نصيحتي هذه بحكم اني انا انسانه اكره المعاهد واكره تعليم استاذ
واشترك فيدورات لانها ما تفيدني ابدا نهائيا لانها بمختصر الاحاديث تفيدني لين
الاختبارات وبعدها تختفي من مخي ما فيها متعة اماقواعد الانجليزي فيه واحد مصري
اسم قناته في اليوتيوب "دروس اونلاين" يعلم القواعد بشكل مفصصل وبطريقة
تدخللمخ جميع قواعد الانجليزي كنت اتابعه لما كنت بالمتوسط والثانوي مرة كان
يفيدني وغير انه يعرض طرق مختلفة للمذاكرة وتعلم اللغة مرة بيفيدكم وبس والله الله
يوفقكم جميعا واتمنى اني افدتكم ولا تنسوني من دعواتكم وجعلكم كلكم تستفيدون من
نصيحتي

٠٥٠٣٢٤٤٣٩١

شهر الصَّعْبِي - ليفل B

السلام عليكم جميعًا

بتكلم لكم شوية عن تجربتي مع تطوير اللغة الانجليزية و اتمنى انها تكون مفيدة لكم
اولاً بس ودي أقول إنه الانجلش سهل و صدقيني يمديك تتعلمينه و يتحسن مستواك فيه بوقت قصير ان شاء
الله .

كيف طورت الانجلش حقي ؟ هذي الرحلة بدت يوم كنت تقريبًا في المتوسط، ما كنت حاطة ببالي اتعلم انجلش
بس من رحمة ربي إنه خلاني أطيح بفلوقات الاجانب

ف صرت اشوفها كل يوم و اسمعها كثير و بدون مبالغة كان مستواي بالانجلش يعتبر سئ و بعد أقل من سنة قفز
قفزة مو طبيعية لدرجة أول الفترة كنت أشوف الفيديو مو فاهمة منه ولاشي و بعدها و بأقل من سنة ارجع اشوف
. نفس الفيديو القاني فاهمة كل كلمة الحمد لله

النصيحة الي ابي اركز عليها هنا هي : الاستماع

حرفيًا الاستماع يطور لغتك بشكل لا يصدق و عن تجربة. حاولي تقضين وقت طويل و أنت تستمعين لناس

. يتكلمون انجلش بحت

:الاستماع يشتغل على تطوير

القرامر : و أنا اشوفها الأهم، لإنك تصيرين تسمعين كثير ف تعرفين كيف تركيب الجمل، ما يحتاج انك -

تحفظين القواعد وتحتاسين مرة لإن اذنك متعودة على الانجلش ف تميز كيف تركيب الجمل و تميز وش الجملة

. الي نطقها صح او لا مرة يفيد بالاختبار خصوصا بالاختياري

. النُّطق : راح تسمعين الانجلش الصحيح و كيف تُنطق كلمات كثير و بيخليك ان شاء الله اكثر طلاقة بالقراءة

الآكسنت : بغض النظر هو يهملك او لأ، لكن بشكل عام الآكسنت راح يتطور ان شاء الله
(خصوصًا لو سمعتي لهجة وحدة وركزتي عليها) يعني مثلًا بس لهجة امريكية
غير كذا راح تكتسبين كلمات جديدة كثيرة و يصير عندك مخزون كلمات حلو تستخدمينها
. للرايتغ ان شاء الله في التحضريو كذا ، تكتسبينها من كثر السماع
وش أسمع ؟ فيه أشياء كثيرة يمديك تسمعينها و أنت شوفي وش تحبين .. أفلام /
مسلسلات · قلوقات · محاضرات · تيد اكس، مررة يجنن اكتبوا Tedx
في اليوتيوب بتنبهرون و انا انصح فيه مرة، عبارة عن مسرح صغير مو رسمي ابد وشخص
يتكلم عن موضوع معين المواضيع مفيدة و ممتعة ومختلفة اكيد ان شاء الله بتلقين الي
يعجبك .☆☆☆☆· اليوتيوب بشكل عام، عندي لك فكرة.. شوفي أنت ايش اهتمامك و ايش
الفيديوهات الي دايم تشوفينها بالعربي شوفي نفس الموضوع بس بالانجليزي مثلًا، تحبين
فيديوهات الطبخ؟ شوفها بالانجلش تحبين مكياج ، شوفي فيديوهات مكياج بالانجلش
فاشن و الخ.. نصيحة أخيرة .. الأفضل انه ما يكون فيه ترجمة ب ولا وحدة من هالطرق، راح
يفرق معك كثير لإن الترجمة تخلي كل تركيز على الكلام المترجم و يصير عقلك خلاص ما
يهتم بالانجلش الي قاعد ينقال. فلو قدرتي انك تشوفين هالاشياء بدون ترجمة فأنت بطة

بالنسبة للرايـتنج : صراحة ما عندي خبرة كافية في مجال الـرايـتنج بس بقول لكم عن نفسي كيف طورته، فيه حركة كنت أسويها عشان أطور الـرايـتنج حقي و الصدق انها جدا جدا مفيدة .. بس مشكلتها انها مملة شوي كنت أجيب كتاب بالانجليزي (أي كتاب) و احطه قدامي و اجيب دفتر كشكول و ابدأ اكتب أكتب، يعني عادي كنت اكتب بالكتاب كامل .. انا كنت اسويها لإنني أحب الكتابة الصدق ان الـرايـتنج حقي و السبيلنج الحمد لله صار مرة زين من هالحركة و الميزة انها بتدربك على استخدام علامات الترقيمو كذا . اكيد فيه طرق ثانية أمتع من كذا بس انا قلت اقول لكم طريقتي يمكن وحدة تحب تكتب مثلي و تجوز لها و تضبط

القراءة الي اعرفه ان قراءة كتب انجليزية مرررة مفيدة في تطوير اللغة، شخصيًا انا - ما جربتها لكن كثير يتكلمون انها ممتازة لتطوير اللغة و خصوصا مهارة الـريـدنـج طبعا .. فإذا أنتِ مُحبة للقراءة شوفي المواضيع الي تحبينها و جيب منها كتب و اقري

و بس و الله . اعتذر جدًا لو كثرت عليكم بس صدق ما ودي أفوت ولا شي ما أقوله لكم . بالتوفيق يا أبطال صدقوني اذا شدتوا حيلكم راح تحصلون مرادكم

بإذن الله

0506430608

رسيل فهد - ليفل B

السلام عليكم معكم رسيل فهد تخصص علاج وظيفي دفعة ٤٤١ بقولكم عن تجربتي بتطويري للغتي وايش البرامج الي ساعدتني، اول شيء انا كنت مهتمة بتطويرها من المتوسط تقريبًا بسما كنت مركزة عليها بالشكل المطلوب فكان مستواي متوسط او مقبول على مجهودي يعني بس لما تخرجت من الثانويوبالاجازة بين الجامعة والثانوي ركزت وبذلت كل طاقتي بفترة قصيرة مرة وانصدمت من التطور! صراحة نصيحتي الوحيدة لكم هي (مارسوا الانجليزي كلغة مو كدراسة) يعني لا تجلسين تذاكرين كل قاعدة وكل قطعة وتدرسينها دراسة حرفية! لانكذا صح بتستفيدين بس ما بتطلعين بالنتيجة المطلوبة وهي اتقان اللغة، طبعا مستواي الحين ما يعتبر ممتاز وخالي من الأخطاء بس مره فرق عن مستواي قبل لما غيرت طريقة تطويري. طيب كيف تمارسونه كلغة؟ يعني انكم تبدون تدخلون الانجليزي شوي شوي بحياتكم مثلا تتابعون اي برنامج او مسلسلات ترجمة انجليزية، الترجمة هي الأساس هنا ما يهم لغة المحتوى نفسه قد لغة الترجمة لان صدق بيفرق معكم لما تبدون تقرون الترجمة وتشوفون كل كلمة وايش تعني وكيف تركيب الجمل وكيف استخدامها الصح وكذا وطبعا اي كلمة ما تفهمينها ترجميها على طول وابحثي عنها لان هذا الي بيساعدك، وعشان تطورين مهارة الكتابة والقراءة عندك انصحك بقراءة الكتب لانها في ابدأي اقرأي كتب او روايات باللغة الانجليزية وهنا بيفيدك كثير تبدين بروايات بسيطة انا استفدت من كتب اكسفور لانهم محددين فيها ٦ مستويات انت تختارين مستواك وتقرين الكتب حقه والي موفرين بعضها على قناتهم بالتلقرام وموفرين معها اسئلة مراجعة واشياء ثانية كل الي عليكم تدخلون القناة من هذا الرابط



[pdf:https://t.me/OxfordBookworms](https://t.me/OxfordBookworms)

طبعاََ مو شرط هالكتب بس! انتِ ابحتي واشتري اي كتب وروايات ترتاحين لها وعشان تكملين تدريبيك انصحك تحددين وقت باليوم لو ٥ دقائق تكون كتابة حرة يعني تكتبين عن اي موضوع بحياتك سواء قصة خيال مذكرات بحث فضفضة اي شيببيءحرفياََ بس بالانجليزي وهذا بيساعدك بالتعبير اكثر وبيخليك تحفظين مفردات اكثر وتستخدمين مفرداتك الي تعلمتها بالقراءة، برضو في شيء ساعدني كثير مو بس للغتي والي هو **TED talks** محاضرات تيد

هي موجودة على اليوتيوب وعلى برنامجهم ايضاََ فانتِ اختاري الي تحبين وزبي ما قلت نصيحتي انك تتابعينه بالترجمة الانجليزية عشان تستفيدين الاستفادة القصوى ومع تيد ايضاََ انصحك بالبودكاستز لانك تقدرين تسمعنها باي وقت وتستفيدين من وقتك وتطورين مهاراتك، اخر شيء بنصح فيه هو برنامج **duolingo** احبه مررة صراحة ساعدني ببداياتي احس اكثر من الحين بس صدق اعتبره كنز لانه بسيط وممتع وما يحسسك بالتعب او الهم يعني كانه لعبة ويطورك بشكل ملحوظ!! وبس مثل ما قلت مو شرط تتبعون الاشياء الي كتبتها اهم شيء تفهمون الفكرة الرئيسية والي هي الممارسة وبكذا بتستمتعون وانتوا تطورون لغتكم وما راح تحسون بالتعب او الطفش ابداََ وبتشوفون نتيجة سريعة ان شاء الله واي سؤال عن اي شيء انا موجودة

٥38451959

ريما الرشيدى - ليفل B



لتعليم القرامر و ميزته فيه
مستويات



بصراحة استخدمه عشان فيه ميمز تونس
😊اي موضوع بالدنيا سواء بالانقلش او
غيره يكتبونه بهذول البرنامجين و يلقون
بحر كويزز ما يخلص عنه و كلها ممتازة و
انصحفيهم بشدة



هذا صديقتي تحبه بس هي كانت
عشان اكثر لأن لغة البرنامج A ليقل
نفسها عربية، احسه يناسب
المستويات المبتدئة اكثر



اقرب ما له ذكاء اصطناعي لانه
يحط لك نص و تقرأينه و
يقيمك حسب النطق السليم و
مخارج الحروفكويس للنطق






مليان بودكاستس و كتب صوتية نفس
بودكاست اللي بالايفون بس حسيت
هذا فيه خيارات اكثر شوي



حلو للجينرال فوكاب يعطيك خيارات
لمعاني الكلمة و فيه مترجم عربي
مباشر بعد بس انا كنت استخدمه
بالانقلش كامل فمدري عن جودة و
صحة العربي اللي فيه

0567977518



احبه ممتع مره مره ما كأنك قاعده تدرسين ابدأ و
اسرق منه مسلسلات و افلام بعد 😊 يحط لك
فيديو قصييير مره بالثواني مقتبس من مسلسل
او فلم او برنامج تسمعيه بعدين يعطيك خيارين

مسوين للكلام اللي بالفديو

paraphrasing

و حسب استماعك و فهمك تختارين الاجابة
الصح* انصح فيه مره




ترتيب جمل ببساطه

غادة الربيعة - ليفل B

للي ودها تسولف مع نفسها بالانجليزي بس احيانا تحتار بالاسئلة او ما تدري وش ممكن تتكلم عنه

[IELTSpeaking] فيه تطبيق مجاني اسمه

في الاساس هو تطبيق تبع الايلتس للتدريب على اختبارهم السبيكنق لكن انا استخدمه كفرد عادي



جددا رائع طريقته تكون في الشاشة صورة كانها التيتشر وتساالك أسئلة وتعطيك وقت تفكرين فيها وتركيبن كم جملة على بعض ،بمجرد ما تسكتين بيحسب ٣ ثواني وينتقل للسؤال اللي بعده

للتوضيح ترا ما تصحح لك لو أخطأت أو حتى تنبهك *

فبالتالي هو راح يساعدك تتكلمين وتنطقين فينمي عندك المحادثة ويخليك تتدربين على تركيب جملة في وقت معين ،وبعد ما تخلصين هذا الموضوع راح تلقين محادثتك مسجلة ممكن ترجعين لها وتسمعينها وتكتشفين أخطاءك وتصحيحينها عشان ما تثبت وهي خطأ

••*البودكاست*

مرره مره مفيد أحب أسمع فيه وقت ما يدّيني تكون مشغولة بشيء، مواضيعه منوعه ،تقدرين تختارين مواضيع على حسب مستواك في البداية ما كنت أفهم كل كلمة يقولها لكني بالمجمل افهم وش يتلكم عنه وشوي شوي صرت افهم كلامه كله فهي مسأله وقت فقط وبتكتسبين مفردات جديدة كل مرة وبتثبت مع التكرار

••OXFORD BOOKWOORMS ••

كتب اكسفورد جدا جدا ممتازااااا
مقسمة لمستويات ومعها مقطع استماع . وفي نهاية الكتاب فيه اسئلة تقيس فهمك للقصة .
القصص قصيرة وممتعة وأحيانا يكون فيها جانب أكشن فتشد الشخص انه يكملها بسرعة طريقتي كانت اني اسمع وأقرأ معه واذا خلصت سماع فصل عدته لحالي قراءة وأحدد على الكلمات اللي ما فهمتها وأحاول أفهمها من سياق النص بدون مترجم .
طورتنى من جهة الريدنق والليسنق بشكل كبير*

••*VOXY*••


تطبيق لتعليم الانجليزي اشتركت فيه لمدة شهر، في البداية يسوون اختبار يحدد مستواك بعدين تصير عندك وحدات بمواضيع مختلفة مثلا عن الطبخ او السفر او الرياضة او التسوق وعليها فقرات واسئلة ،فيه تدريب على الليسنتق والقرامر والفوكاب وحتى السبيلنق .

بالاضافة عندهم دروس جماعية [مدتها ٣٠ دقيقة] بمعنى ان ممكن يكون معك ٥-٦ اشخاص في نفس الكلاس او اقل

طريقته انك تحجزين كلاس بالموضوع اللي تحبين والوقت اللي يناسبك ،وقت الكلاس تسألکم التيتشر اسئلة عامة حول الموضوع وتبدون تعبرون شخص شخص وتسالون بعض اسئلة [كانت ممتعة الكلاسات صراحة والوقت يمر بسرعة

بالنسبة لي استفدت من الكلاسات الجماعية اكثر من الوحدات والدروس* اللي كانوا يحطونها ،لاني لاحظت انها مب مستواي ابدا ولا قاعده تزيد لي شيء كلها كلمات اعرفها، فتطور مستواي من المحادثة اكثر شيء والسمع

0536115713



السلام عليكم ورحمة الله وبركاته

. هذي الرسالة موجهه لأي أحد يبغا يطور لغته الانكليزيه

أول شي هذا جدول من الاستاذ عبدالرحمن حجازي *استأذنت منه شخصيًا عشان اشارككم الجدول لاني استفدت منه مره* منظم مقسم لمدة شهر كل اسبوع مركز تركيز مكثف على مهارة (استماع - قراءة - .. (كتابة - محادثة

كل المصادر اللي المفروض انكم تستخدمونها اثناء ما انتو ماشين عالجدول موجودة فالجدول بتفتح .. عند كل بداية مهارة Click here معاكم بمجرد الضغط على

.. *ايضًا موجود اخر شي اختبارات تجريبية لكل الأقسام *طبعًا تبدون فيها لما توصلون لها

حرفيًا الجدول شامل كل شي وصح انه لاختبار الايلتس ولكن فيه كل شي ممكن الواحد يسويه عشان .. يطور لغته ، ومنها تكونون جاهزين لاختبار الايلتس

: هذا رابط الجدول



وهذا موقع اكسفورد فيه روايات مقسمه حسب المستويات تقدرن تستخدمونها للقراءة اليومية
*مجانية الى ٣١ اوقست فقط

<https://www.oxfordlearnersbookshelf.com>

السلام عليكم ورحمة الله وبركاته اليوم انشاءالله بكتب لكم تجربتي في اللغة الانجليزية دخلت التحضيري لغتي عادية او اقل من عادية لكن في أشياء بسيطة خلنتي اطلع من التحضيري بلغة حلوه اول شي في التحضيري الانجليزي يعتمد على المهارات اللسنق الرايتنق القرامر الثوكاب

اللسنق كنت أدرب بشكل شبه يومي فيه اذا خلصت مستوى اروح المستوى الي بعده-

<https://www.esl-lab.com>

الريدنق كنت ادرب في مواقع كثير لكن أهم واحد بحطه لك الحين اذا جيتي في الريدنق الكلمات الجديدة اكتبها- في دفتر مع الترجمة والأفضل لي السمستر الأول يكون معك دفتر صغير "نوت" اي كلمة جديدة تكتبينها فيه واول ماتقومين من النوم او في السيارة تقرين الكلمات الجديدة عشان ماتنسينها الموقع الي كنت أدرب فيه حق

ويطلع لكم **Readtheory** الريدنق اكتبوا بقوقل

القرامر أغلبة نفس حق الثانوي واذا استصعب عليك شي افتحي اليوتيوب وتلقين كثير يشروحونها-

الثوكاب ترجمي في البداية بتترجمين كثير لكن مع الوقت بتحسين ان صار عندك حصيلة لغوية واي كلمة-

"جديدة اكتبها بالدفتر الصغير" النوت

وفي شي بقولكم عليه لاتخلون كل اعتمادكم على الكتاب او على الكلاس (طور نفسكم بنفسكم) الأختبار يعتمد

على لغتك مايعتمد على المنهج زي الثانوي والله يوفقكم وييسر لكم كل الي تتمنونه



السلام عليكم ورحمة الله وبركاته

. بكتب تجربتي السابقه والحاليه في تطوير اللغه B معاكم فيّ طالبة من ليفل
أولاً: واهم شيء هو كسر حاجز الخوف في اللغة اللي تحس ان عندها هذا الحاجز مثلي-
. وتبي تكسره انصحها جدياً بكاملي او اي برنامج في محادثه صوتيه
ثانياً: كلنا نعرف ان الأختبار كان اعتماده الكلي او الأغلب على الاقل بمحصولك اللغوي-
السابق فحلو انك تخصصين جزء من يومك تحفظين فيه فوكاب علشان تزيدين كميمة
الفوكاب عندك + تسمعين بودكاست او تشوفين مسلسلات تنمي عندك مهارة الاستماع
وهذا رابط oxford ويمكن اذا مستواك لا بأس فيه وتحبين تقريرين تقرأين كتب بسيطة مثلاً

: قناتهم في التليقرام

[pdf:https://t.me/OxfordBookworms](https://t.me/OxfordBookworms)



وكفكرة علشان ما تنسين الفوكاب حطيه في ورقة صغيرة تتلرق ولزقيها في الامكان اللي*
دايماً تتواجدين فيها مثلاً جمب سريرك على مرآة مغسلتك على باب الغرفة وهكذا
ثالثاً واخيراً: حبي اللغة حاولي تبذلين قصارى جهدك لتطويرها عطيتها وقت من يومك-
وصدقيني بتلاحظين نفسك تتطورين لا شعوري وتحولين تبحثين عن كل ما يساعذك في
اللغه .

العنود البواردي- ليفل B

السلام عليكم بتكلم لكم عن كيف تطورون لغتكم للافضل لان اللغة مهاره مكتسبه ويستطيع الكل ان يكتسب هذي المهاره غالب الاشخاص اول مايفكرون فيه كيف واين ومتى احتاج اني اطور لغتي والامر بكل بساطه كالتالي صحيح التطور والاسلوب والطريقه من شخص لآخر تختلف لكن هذا لايعني انه فيه تقصير او خطأ لا بالعكس هذا لان الشخص نفسه يعرف لشخصيته وابتكر له الطريقه الي تناسبه وتتناسب مع شخصيته طيب اول شي نعرف كيف؟ الطريقه هي انك تعطي نفسك مده زمنيّه تتناسب معك يعني خن نقول مثلا عني شهر كيف اقسام المهارات الاربع او بالنسبه لي تعد خمسه الي هي الاستماع،التحدث،الكتابه،القراءة،وطبعا المصطلحات كل ماكان عند فوكابوقرامر كفايه كل ماساعدت على التطوير .طيب ب٣٠ يوم اوزع على كل اسبوع المهارات بحيث مايجي اسبوع الا انا ماره عليها يعني مثلا اول يوم بالاسبوع الاول اختار مهارتين وحده انا مره احبها والثانيه مااعتاد استخدمها كثير وبالفعل كان يفيد الموضوع واهم شي اني استمتع وانا اتعلم. وهكذا على مدار الاسبوع والاشهر.طيب أين ومتى؟ طبعا البعض ياخذ دورات او يذهب لمراكز تعلم اللغة الانجليزيه لكني طورتها بنفسني وماحتجت مساعدت احد الحمد لله ومتى الوقت انتي تحددينه لنفسك حسب رغبتك وطريقتك اتذكر الوضع قبل السنه الماضيه اخذ مني شهر حتى اني مديته على الاجازه الصيفيه كامله لاني كنت استمتع في هذا الشي

اخير ايش البرامج او الاشياء الي احتجتها في تطوير لغتي:- طيب انا من الناس الي يحبون مره بزياده يسمعون اغاني ويشوفون افلام ومسلسلات اي لغه بس بشرط مترجمه بالانجليزيمره بشكل كبير نفيد وممتع بنفس الشغل طبعا هنا اطور ثلاث مهارات وانا انبسط وهي (القراءة، الاستماع، وكمان اكتسب مصطلحات جديده طيب نجي للبرامج فيه برامج حلو تخليك تقرين او تسمعي كتب بالانجليزي وكمان فيه :-برامج فيها كوزز مره حلوه كنت استمع كل يوم احل واختمه وارجع ثاني وهي كالتالي


- يعطيك زي المقاطع وكذا ويطلب منك انك تحددين الكلام: voscreen-
التقريبي الي سمعته وقد يكون نفس النص او شبيه له
- برنامج يحتوي على مجموعه متنوعه من المهارات: Duolingo-
- هذا البرنامج يصير فيه كوز ومراحل كل ماتخلصون مرحله يروح : Idioms-
لي بعدها وطبعا الاختبارات تكون متنوعه على حسب اللفل الي باللعبه
وهذا احسن شي فيه
- يقيم هذا البرنامج قدرتك على تمييز الكتابه الصحيحه: Spelling Quiz-
لل كلمات لتقليل الاخطاء
- لعبه تحزر الجمله او الكلمه من الحروف وفيه عدد من المحاولات: hangman-
قبل مايموت الرجال الي بالمشنقه
- يجعلك تتحدى اشخاص اخرين وتفوز عليهم عليه زي: Quiz your English-
العلامات وهكذا
- لعبه قواعد تختار القاعده المناسبه مع الجمله او تخسر: Smash English-
- تتعلم فوكاب وتطبقه وكل ماتعلمت جمل زياده او كلمات: Phrasal Nerds-
تطبقها



فيه برامج ثانيه بس ممكن هذي الي كنت استخدمها اكثر اخر فتره وبالنسبه للي معتمده بشكل كلي لانه ما احب اكتب كثير هو برنامج قراميلي لانه يصحح لي الاغلاط ويعدل الكلام للافضل فيما اني احب تكون مصطلحاتي افضل واقوى اخر برنامج بتكلم عنه واحسه برنامج محفز بس طبعا تسمعين فيه انا اسمع اجانب معظم الوقت الي هو برنامج تيد ومن ما يعرفه كنت استمتع يعطيني تحفيز وكذا وبنفس الوقت يطور لغتك. وطبعا كل شخص بيصير عنده مهارات ما يحبها او انها ضعيفه عنده او يكره تطويرها المهم هذي المهاره عندي انا لا عربي ولا انجليزي احبها وهي الكتابه لكن مو معناته انا ما احبها مابطورها لاطبعا كنت كل يوم او كل نهايه اسبوع اجمع مصطلحات او بدلاً ما اكتب مهمي او اي شي بالعربي كانت اكتبه بالانجليزي وكان جدا شي مساعد بشكل ولا سببت لي مشكله الحمد لله وبكذا اتمنى اني افدتكم وكنت عند حسن ظنكم اذا احتجتوني انا موجوده دايما وابدا لكم

رقمي:- 0563350892

Twitter: @AnoudAlbawardi



من الافكار اللي كانت تدور براسي ان كيف ادخل صحي وانا ما اعرف انجليزي مستواي سيء لدرجة مترجم قوغل هو صديقي اذا جيت بطلع او اطلب من مطعم:) وكيف ادرس بالانجليزي و هل انها بتأثر علي وعلى درجاتي؟ بديت قبل ما تبدا السنه بثلاث اشياء -
قراءة كتب او كسفورد وبديت من المستويات المنخفضة وكل ما حسيت انها بدت تسهل اقرا المستوى اللي بعده واحاول ما اترجم الكلمه اللي ما اعرفها بس استنتج معناها من الجملة كاملة - *استمع لمقاطع باللغة الانجليزية* مثل مقاطع تيدكس وفلوقات بعض الاجانب وكانت قناة ناشونال جوقرافيك بالانجليزي مرافقي في الليالي الطويلة، حتى لو ما فهمت كل السالفه كنت احاول امسك كم كلمه علشان اعود اذني -
يمكن نقطه سخيفه بس *غيرت اعدادات جوالي والتطبيقات كلها للغة انجليزيه* .. تغيير خلفيه جوالي اللي كانت تاخذ ثواني صارت تطول على بال ما القى الايقونه حقتها بس واللي كنت B تعودت فيها اقرا وافهم بنفسي وبعدها بدت السنه وكنت في مستوى اسويه كان سهل وبسيط جدا بس اذا بتكلم عن تطوير لغتي فهذا هو اساس تحسن لغتي بشكل غير طبيعي

اشارك حتى لو ما عندي سالفه... والله لا يوريكم قد ايش جبت فيها العيد وقلت كلمات ما تنقال بس *
صدقوني الدكاتره مره لطيفات وما يدققون عليك مره بالعكس بيعدلون لك اغلاطك وبيصير عندك طلاقة
اكتر * اخذنا كلمات جديده ارجع البيت اذاكرها وكنت اقسام كل يوم خمس كلمات اذاكرها واحفظها واحفظ
عليها امثله و مرادفات * اقرا و اقرا واقرا اي قطعه تمر علي واي بحث واي كتاب ما افهم اول مره عادي
!!مع التعود صرت فنانة

عمره ما كانت اللغة الانجليزية عاق انك ما تدخلين المجال الصحي بالعكس من مميزات المجال الصحي
تبني أساس لك فياللغة الانجليزية ..اللي سويته كان سهل وبسيط وحتى ممتع وخالني الحمدلله ما اعاني
□□. مع مادة الانجل واجيب اعلى درجة واطور لغتي فينفس الوقت

وهنا رابط تليجرام ينزل كتب او كسفورد

[pdf:https://t.me/OxfordBookworms](https://t.me/OxfordBookworms)

بعض قنوات اليوتيوب اللي كنت استمتع فيها:

<https://www.youtube.com/user/TEDtalksDirector>

<https://www.youtube.com/c/GoogleZeitgeist>

<https://www.youtube.com/c/YesTheory>

اي استفسار، مساعدة، طلب او حتى فضفضة معكم أختكم رهنف محمد تخصص دكتور صيدلي ♥

0543426220

الحمد لله الي ربي ارشدني له صدق حرفيا كانك بمعهد بيتك ويكفي انك تدخلين متى ما تبين ويكفي ان
سعره ما يتعدا ٢٥٠ تقريبا "ثاني شهر" اول ما تدخلين الموقع بيختبرك اختبار تحديد مستوى ويقترح عليك
مستوى معين "مو شرط تلتزمين باقتراحه" واذكر اني اخترت مستوى اعلى من الي اقترحوه ومشيت
الحمد لله كل مستوى مقسم لعدة وحدات وكل وحدات لها عدة دروس للأمانة كنت اضغط نفسي شوي
واخذ اكثر من درس باليوم ، البرنامج مقسم وحاط لكل مهارة تمرين للسبيكينق فيه رومز تدخلينها ويكون
معكم تيتشر ومعك طلاب من دول ثانيه وتعدون تسولفون عن موضوع معين واذا تبين روم لحالك لازم
تدفعين مبلغ معين واذا تبين رومز زياده على العدد الي معطينك برضو تدفعين زياده وكان فيه قسم
رايتينق تكتبين عن موضوع معين ويرسلونها لتيتشر يصححها لك ويرجع يرسلها لك ودايم تصحيحهم رائع
ومره كويس ويبين لك اخطائك بالضبط الموقع فيه قسم فوكاب وكلمات جديدة ويبين لك كل كلمه متى
تستخدم ونطقها وكلشي عنها مره مره رائع الموقع ومره انصحكم تجربونه اول شهر واذا عجبكم كملوا و
وقفوه طبعا تكلمت عن الموقع بتفاصيل زياده بالثريد حقي برضو كنت يوميا اقرا نص ساعه كتب

اكسفورد

<https://t.me/OxfordBookworms>

https://twitter.com/_t8t87/status/968557993867579392?s=21

اختار الليقل الي احسه مناسب واقرا منه قصص لين ما احسني متمكنه منه واروح لليقل الي بعده ومره اكتسبت كلمات كثيره لان الكتب نفسها تكرر عليك كلمات معينه علشان تثبت براسك وصدق كلمات كثيره ثابتة براسي للحين

السمع برودكاست انقلش من برنامج ابل برودكاست للامانة ما كنت استمتع بما اني شخص ما يحب البرودكاست وهو بالعربي فكيف بالانقلش بس احسه حلو انه يعودك على اللغة ونوعا ما استفدت احد اكثر الاشياء الي فادتني واستمتعت فيها هي الانميشن ستوريز امثله للقنوات :

١- [MEzYCU/lennahc/moc.ebutuoy](https://www.youtube.com/channel/UCWENB...)

٢- [youtube.com/channel/UCWENB...](https://www.youtube.com/channel/UCWENB...)

هالشي كنت اسويه من الثانوي ما تدرن قد ايش كنت استمتع بشكل مو طبيعي واتعلم بنفس الوقت وكيف كنت احس مستواي يتطور بشكل عجيب الفيديوز ذولي عباره عن قصص ويروونها لك على شكل انمشين بعض القصص فيها ترجمه عربيه بس ما قد جربتتها صراحه اول ما بديت فيها كنت احط ترجمه انقلش كوني لسا مو مره متمكنه اني افهم وش يقولون والاشياء الي ما افهمها كنت افهمها من الرسومات الي يحطونها ، لغتهم جدا بسيطه وواضحه وغالبا كلماتهم سهله ومو معقده فصدق يعني تطلعين من المقطع وانتي فاهمة وش السالفه حاليا اشوفها بدون ترجمه وافهم القصة كامله وهنا يوضح قد ايش تغير مستواي كنت استمتع جدا واشوفها بقصد المتعه اكثر من التعلم لدرجة كنت لما اخذ بريك من مذاكره او بالجامعه افتحهم كشي اتسلى فيه مره انصحكم فيها مره

برضو برنامج كامبلي اتوقع كلکم تعرفونه حاليا وانا متخصصه قاعده استخدمه ومره مره عجبني واحس
تغير مستوای وصرت اکثر طلاقه باللغه من قبل واحلا شي فيه انه المعلمين نفسهم يدرون ان اغلب الي

بالبرنامج مبتدئين فجا جدا متفهمين

<https://readtheory.org/auth/login>

كنت اتدرب يوميا عليه برقرافين وجدا جدا استفدت كلمات ولان طريقه اختبار الجامعه كانت جدا جدا
مشابهه له يعني لما دخلت الاختبار ما انصدمت ابدا وكنت متعوده على هالنوع من الاسئله

<https://www.esl-lab.com/difficult/>

هالموقع حلو فيه كويات انقلش ومقسم ليقلز يمدیکم كل يوم تدربون وتدرجون فيه واخر شي اقدر
انصحکم فيه هو اي كلمه جديده تشوفونها باي مكان احفظوها عندکم اکتبوها بنوته بجهازکم باي شي الترم
الاول كنت اسوي کذا وکليوم احفظ لي ٥ كلمات فتخيلو نهايه كل اسبوع مجمعه حول ٣٠ كلمه جديده مره
شي رائع صدقوني اذا تعودتو تلقائي بتلقون نفسکم تجمعون كلمات وتحاولون تحفظونها

لان للحين انا اسوي کذا وعندي نوته اکتب فيها كل كلمه جديده تمر علي وکليوم احفظ لي خمس كلمات
لان الموضوع صار مو اني ابي اطور نفسي علشان اجيب اي بلس بالانقلش قد ما صار اني مره حابه الي
!اسويه وحابه التطور الي قاعده اشوفه بنفسي

خلو الانقلش جزء من يومكم وصدقوني بتشوفون الفرق وما راح تندمون صدقوني حبو
اللغه قبل لا تجبرون نفسكم انكم تتعلمونها وصدقوني بتكونون جدا جدا فخورين بنفسكم
بنهاية المشوار لما تشوفين كيف كانت لغتك وكيف صارت ولما تجيك التيتشر وتقولك
لغتك مره كويسه! اخر شي ابي اقوله انا كنت اطور نفسي بالاجازه بالوقت الي كنت اشوف
الي حولي فالينها لاني كنت اخاف اقول "ليتني طورت نفسي بالاجازه" يعني كلنا ندري ان
الانقلش اهم ماده بالتحضير فصدق اصدق اعطوها حقها علشان ما تندمون تطويري
لنفسني كان ما ياخذ مني الا كم ساعه يوميا وما اثر على اجازتي وقدرت اوسع صدري
وانبسط وكلشي ودخلت الاجازه بلغه وطلعت بلغه ثانيه الحمد لله اعطوها حقها لان
صدق صدق ما ابي احد منكم يتحسف مستقبلا الله لا يقول الله يبسرلكم ويسهلكم يا
رب واي سؤال انا موجوده

0537279153


twitter: @nadafahad01

Curious cat : nadafahad01



”If you can dream it , you can do it.”

Good luck ☐ #441



Done by : Nada Fahad